



Na osnovu člana 34. i člana 88. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17), a u vezi sa članom 74a. Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12), na zahtjev Ministarstva unutrašnjih poslova Unsko-sanskog kantona, Agencija za državnu službu Federacije Bosne i Hercegovine, objavljuje

JAVNI KONKURS
za popunu radnog mjesta državnog službenika
u Upravi policije Ministarstva unutrašnjih poslova Unsko – sanskog kantona

3/ 813

Radno mjesto:

-Stručni saradnik – administrator baza podataka, Sektor za materijalno-finansijske poslove i informacijsko-komunikacijske tehnologije, Odsjek za informacione sisteme
– 1 (jedan) izvršilac

Opis poslova: uređivanje i redakcija informativnih materijala i stručne literature; praćenje i istraživanje promjena i pojava u odgovarajućoj oblasti i izrada potrebne dokumentacije i drugih materijala o tim pojavama i promjenama; izrada analitičkih, informativnih i drugih materijala, u okviru propisane metodologije; učestvuje u izradi programske podrške i razradi programskih paketa vezanih za sigurnost; definiše plan izrade, postavku i organizaciju projekta na računaru; učestvuje u izradi programske podrške i razradi programskih paketa; izrađuje specifične aplikativne programe; učestvuje u radu projektnih timova za izradu aplikativnog softvera; radi organizacionu šemu, obrađuje i razrađuje organizaciju podataka u bazi podataka ili datotekama, kao i način korištenja podataka; izrađuje sistem za šifriranje; radi na izradi, konfiguraciji i ažuriranju web stranice i web portala Ministarstva i Uprave policije; radi generalnu strukturu i izrađuje pojedine module programa i definiše odgovarajuća uputstva za izvođenje i korištenje obrada na računaru, formira, prati i relizuje planove za testiranje projekta i probne obrade u saradnji sa korisnicima, sistem inženjerima uz stvaranje dokumentacije; dodjeljuje šifre i lozinke za pristup bazi podataka, prema vrsti podataka i pravu pristupa; definiše način pravljenja sigurnosnih kopija baze podataka i restauriranja konzistentnosti stanja podataka; zajedno sa inženjerom za hardver analizira i otklanja zastoje u radu sistema, obavlja dogradnju postojećih projekata zavisno od zahtjeva korisnika i primjene novog softvera; obavlja edukaciju namještenika koji rade na poslovima personalizacije dokumenata; stvara i održava potrebnu dokumentaciju projekata i stara se o njenom arhiviranju; obavlja druge poslove koje odredi neposredni rukovodilac.

Kandidati moraju ispunjavati opće uslove iz člana 35. Zakona o državnoj službi u Unsko-sanskom kantonu:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili diplomu druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovnih djelatnosti i pomoćno tehnički poslovi i uslovi za njihovo obavljanje u organima državne službe u Unsko-sanskom kantonu;
4. da je zdravstveno sposoban za obavljanje poslova utvrđenih za to radno mjesto;

5. da u posljednje dvije godine od dana objavljivanja upražnjenog radnog mjesta nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćen odredbom člana IX.1. Ustava Bosne i Hercegovine;
7. da se protiv njega ne vodi krivični postupak.

Pored općih uslova navedenih u javnom konkursu, kandidati moraju ispunjavati i sljedeće posebne uslove, i to:

- diploma visokog obrazovanja – najmanje VII stepen elektrotehničke, informatičke, ekonomske struke ili diploma visokog obrazovanja prvog (najmanje 180 ECTS) drugog ili trećeg ciklusa Bolonjskog sistema studiranja elektrotehničke, informatičke, ekonomske struke,
- položen stručni ispit,
- najmanje 1 (jedna) godina radnog iskustva u struci nakon sticanja VSS,
- poznavanje rada na računaru.

Napomena: Kandidat koji bude izabran sa liste uspješnih kandidata mora ispunjavati i uslov u pogledu nepostojanja sigurnosnih smetnji, u smislu odredbi člana 30. i 31. Zakona o zaštiti tajnih podataka („Službeni glasnik BiH“, broj: 54/05 i 12/09) te će, prije donošenja rješenja o postavljenju, biti predmet sigurnosne provjere, u skladu sa postupkom za izdavanje sigurnosne dozvole za pristup tajnim podacima stepena „POVJERLJIVO“. Kandidat kod kojeg se utvrde sigurnosne smetnje neće biti postavljen na radno mjesto državnog službenika.

Prijavljivanje - potrebni dokumenti:

1. Kandidati se na javni konkurs prijavljuju dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton 10 i Unsko-sanski kanton - Odsjeku za postavljenja u Bihaću, ul. Alije Đerzeleza br.2, ili na web stranici Agencije: www.adsfbih.gov.ba).

2. Kandidati koji nisu izuzeti od polaganja ispita općeg znanja dužni su, uz prijavu na javni konkurs, dostaviti dokaz o radnom stažu/iskustvu u struci nakon sticanja visoke stručne spreme u skladu sa uslovima iz konkursa (original ili ovjerena fotokopija), na propisanom Obrascu uvjerenja (može se preuzeti u prostorijama Odjeljenja Agencije za Kanton 10 i Unsko-sanski kanton - Odsjeku za postavljenja u Bihaću, ul. Alije Đerzeleza br.2, ili na web stranici Agencije: www.adsfbih.gov.ba).

3. Kandidati koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):

- fakultetsku diplomu (nostrifikovana diploma, ukoliko fakultet nije završen u BiH ili je diploma stečena u jednoj od država nastalih raspadom SFRJ nakon 06.04.1992. godine),
- dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
- dokaz o položenom stručnom ispitu za namještenike u organima državne službe.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obaviješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidati koji polože stručni ispit (pismeni), dužni su u roku od pet dana nakon usmenog obavještanja o rezultatima ispita, Agenciji dostaviti dokaze (original ili ovjerene fotokopije) o ispunjavanju posebnih uslova navednih u tekstu javnog konkursa. Kandidati koji ne dostave dokaze o ispunjavanju posebnih uslova, kao i kandidati za koje se utvrdi da ne ispunjavaju posebne uslove, ne mogu biti postavljeni na radno mjesto državnog službenika obuhvaćeno javnim konkursom.

Izabrani kandidat dužan je u roku od sedam dana od dana prijema obavještenja o izboru dostaviti Agenciji dokaze (original ili ovjerene fotokopije) o ispunjavanju općih uslova iz javnog konkursa.

Kandidati u javnom konkursu moraju ispunjavati uslove javnog konkursa sa danom njegove objave na web stranici Agencije, nezavisno od toga kada su dokazi dostavljeni.

Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od petnaest dana, od objave javnog konkursa na web stranici Agencije za državnu službu Federacije BiH, putem pošte, preporučeno na adresu:

**Agencija za državnu službu Federacije BiH
Odjeljenje Agencije za Kanton 10 i Unsko-sanski kanton
Odsjek za postavljenja u Bihaću
ul. Alije Đerzeleza br.2
77000 Bihać
sa naznakom:
“Javni konkurs za popunu radnog mjesta državnog službenika
u Upravi policije MUP-a USK: 179/19”**

D I R E K T O R

Refik Begić, magistar uprave